



KEMENTERIAN SUMBER ASLI, ALAM SEKITAR
DAN PERUBAHAN IKLIM

SIARAN MEDIA

MAJLIS PERASMIAN SAMBUTAN HARI ALAM SEKITAR NEGARA (HASN) 2023 PERINGKAT KEBANGSAAN

Kementerian Sumber Asli, Alam Sekitar dan Perubahan Iklim (NRECC), melalui Jabatan Alam Sekitar (JAS) dan kerjasama Kerajaan Negeri Johor, telah menganjurkan Majlis Perasmian Sambutan Hari Alam Sekitar Negara 2023 (HASN 2023) peringkat kebangsaan di Hutan Bandar Majlis Bandaraya Iskandar Puteri (MBIP), Mutiara Rini, Johor Bahru, Johor Darul Ta'zim pada 21 Oktober 2023.

Duli Yang Maha Mulia (DYMM) Raja Zarith Sofiah binti Almarhum Sultan Idris Shah, Permaisuri Johor telah berkenan bercemar duli menyempurnakan perasmian majlis ini. Tema Sambutan Hari Alam Sekitar Negara pada tahun ini dikekalkan dengan “Alam Sekitar, Tanggungjawab Bersama”.

Keberangkatan DYMM Tuanku Permaisuri Johor ke HASN 2023 juga sebagai simbolik kepada peranan istimewa dan signifikan golongan wanita dalam usaha kelestarian alam sekitar.

Wanita melalui peranannya sebagai ibu, boleh menggalakkan keluarga untuk mengamalkan gaya hidup hijau di rumah, seterusnya membentuk komuniti yang celik alam sekitar.

Pelbagai aktiviti komunikasi, pendidikan dan kesedaran awam (CEPA) dilaksanakan untuk memupuk rasa kecintaan masyarakat terhadap alam sekitar seperti kempen pengumpulan e-waste yang dilupuskan secara mesra alam bagi mengelakkan pencemaran.

Terdapat juga aktiviti yang diadakan bertujuan untuk memberikan kesedaran tentang penjagaan kelestarian tanah gambut melalui larangan melakukan pembakaran terbuka bagi menangani masalah kebakaran tanah gambut yang boleh mengakibatkan jerebu.

Pihak NRECC juga mengucapkan setinggi-tinggi penghargaan kepada Kerajaan Negeri Johor dan semua pihak yang terlibat dalam penganjuran sambutan HASN 2023 Peringkat Kebangsaan ini.

Komitmen Kerajaan Negeri Johor dalam usaha pemuliharaan alam sekitar juga terserlah melalui perancangan dan pembangunan negeri yang mampan.

Diharapkan kerjasama yang terjalin antara Kerajaan Persekutuan dan Kerajaan Negeri akan membentuk komuniti inklusif yang peka, bermaklum dan mencintai alam sekitar.

**KEMENTERIAN SUMBER ASLI, ALAM SEKITAR DAN PERUBAHAN IKLIM
(NRECC)**

21 OKTOBER 2023

Unit Komunikasi Korporat | Kementerian Sumber Asli, Alam Sekitar dan Perubahan Iklim (NRECC)
Tel. : 03-8000 8000 | Faks : 03-8889 4763



nreccmalaysia



nreccmalaysia



nreccmalaysia



nreccmalaysia